

寧極齋稿
四本
一
鮑士恭

庫館舊藏

寧極齋稿壹部

壹

木

十一

却志

陳深字子微世為吳人生于宋習舉子業宋亡棄故業
習篤志古學閉門著書有讀易編讀詩編春秋編其弟
子受業者戶屨恒滿若江浙奉政王都中皆出其門况
嘗寓意筆札天歷間奎章閣臣以能書薦之愈潛匿不
糴以終別號寧極學者稱為寧極先生云子植字叔方
少貞才氣喜與侷儻之士游既而折節讀書繼父業有
孝行晨夕奉養必躬視庖饌若親之中裙屣亦手自浣
濯不以人代更世變以琴書自娛凡壁召皆不起以慎
獨名其齋



元故慎獨處士陳君墓誌銘

鄭元祐撰 張簡書 盧熊篆



吳有隱君子曰陳君叔方自其上世皆以讀書積學服膺儒術然皆隱約以終身至于叔方父三世于然矣始予東入吳識其尊府君寧極先生沈潛問學淹貫群經年登髫者生識先輩著書立說咸造底蘊予與先生有妻黨維私之契而先生長于予三十年先生降屈年德時相過從高談遺經歷疊不絕予于君有一年之長而君能以文行學術結知于士林時方承平巨室大家將私淑其子弟者必厚幣延致有非乘壺牽犬所能致禮

也而君純行篤孝每館授歸其浣滌又不但于中裙屨
褸若夫溫清室廬則其上世蔽風雨者至于滄瀨飲食
之奉必君躬庖其珍羞價雖極貴而必以娛親有所不
計也以故老先生壽體康寧無毫髮不如意者皆君有
以致其養也君既純孝又能力學其為文又動以經為
準貫穿諸別集裒其精華以立言其為詩尤刻苦精練
本之于杜而參之于唐人諸名家在宋則尤喜陳黃至
于畫思之盤礴樛洗山林泉石幽篁怪木各盡其變態
然富貴以挾而求之者雖百金不以予一筆兼之襟度
洒落其寄壽三牲之養以奉容亦必有膳豐美器四精

潔與人交尤重然諾然僅二子年七十卒于至正二十
二年冬十一月五日君首取費早卒繼娶夏夏兩男長
納亦既有妻有子矣而皆早卒次謹尚未娶女二人長
妙慧適俞沂先卒次妙清適曹敬意敬即以君沒之十
有五日本奉君柩塋于吳縣靈巖山鄉朱墩之原君之曾
大父諱德一配張氏大父諱暹配柳氏寧極先生諱深
字子微配周氏君諱植嘗自號慎獨癡叟君既沒朋從
乃以君所自號而私謚之曰慎獨處士云謹乞銘于予
乃為之銘曰士而處矣久則常舉矣何為乎更三世而
益偃也身既屯而道則純豈得于天者而齎于人邪既

以有行有言無錙磷矣其亦不朽有堅珉矣尚何痛勸
有弗信者乎

寧極齋稿



吳郡陳深子徵父著



擬騷

我思古人

陸君承之余畏友也其好古嗜學與余同而天
資英朗邈不可及暇日撰此辭遺之輩有以勵
我也

繫古人之寥寥分夫何思之弗諉塞予生之獨後分曾
不得與之周旋曠斯世而勿見矣故增款而永嘆撫遺
籍而元覽分幸所聞之可尊彼丹心之耿著分諒難忘

而實存苟遡風而遐契兮尚何有于古今覽元化兮無窮感殂景兮如駛余髮兮種種余懷兮疊疊駟黃虬兮避征仰超然之高軌猗聖言兮如天至道兮如海超鴻濛兮何極窺浩茫兮無涖孰導余以正適兮遵坦涂而容曳惟諒友之昭昭庶訂余之憤憤嗚呼噫嘻古之人兮惠我無疆忽不見兮心之傷余之思兮曷云其忘往者不可及來者猶可追非夫君之相知兮誰道遠以尚羊

古詩

送曹叔時歸淮東

羲農去我遠醇風日以澆遺經秘幽旨千載空寥寥瀟洛導其源百川始東朝我生性顛蒙望道弥堅高鍼砭無良友窮居困煩囂東平曹叔子妙年振英翹古心默相契一語神情超高堂奏綠綺長空激商飈談元揆要妙力學勗虛驕方期拾瑤草歸袂何飄飄淮水白浩浩楚山青遙遙相思意無盡贈子一長謠

重元寺旃檀林桂花

有桂生祇園團團擁旌蓋靈根挺蟠錯翠色生晻霧疑

從鷺峰移迥與蛾石對寺有城石商飈動閭闔夜氣凝沉
澀清芬彌六合芳意函緘芥華飄廣寒府金布如來界
天空氛翳滅罔罔涼月挂幽人夜禪起淨想解清
楚時獨行真賞聊自愛妍華易銷落徒抱貞心在蒼鸞
寧復來臨風發深慨

姑蘇臺晚眺分韻得高字

殘陽古城曲岌岌荒臺高不知何年創尚尔結構牢青
山擁危楯白水環空壕美哉此山谿慘澹悲雄豪當特
一戰霸意氣何矜驕蛾眉坐傾國忠魄隨怒潮空餘故
宮苑寒雀飛野蒿佳辰晤良友清眺舒煩勞夕風振藜

薄鴻雁中天號永懷五湖客一船凌雲濤浩歌滄浪詞
願言從遊邀

送釋存遊茗川兼懷子昂學士

吳興山水邦香靄雲氣萃岡巒抱縈迴溪流瀉清駛超
遙烟中客縹緲雲際寺振錫赴幽尋攬袂接遐契是時
秋正中曠朗天宇霽明月射神珠光彩難自秘渙歌和
遺音茶徑詫幽事欲從烟屩遊苦為塵鞅繫緬懷金坡
英歸來雲壑媚采采白翁花因風為遙寄

次韻陸承之歲暮述懷

昆鷄最先鳴絡緯夜虛織物情固有殊亦各競時息遙

遙正中士荆扉晝常閉賦詩悲徂年開卷懷往昔廓然
一言得不願千金易大江流湯湯白日如過翼虛堂拂
朱弦再三嘆息西山遺清風潁水有竒迹勗哉望前
修猛志庶可及自當保天和政不慕人益

孤鳳篇上靜軒閣學士

南山有孤鳳丹羽何威蕤朝餐瓊樹實夕飲天津池岐
陽曾一鳴今載今無期將從和風翔俯視塵壤卑梁藻
非君食枳棘非君棲遐舉昆丘陽肯為雲羅羈坐送簫
韶成振翮還乘儀

送周必明北上

天寒霜霰繁歲晏日月駛周子何倉皇孤征詣燕薊寥
寥抱遺經皦皦蓄幽志青雲既交薦白首期一試蒼松
多勁枝老鶴負竒氣扶搖信可搏高冥不難致泮林日
彫踈子衿氣淪替側佇典刑人復理俎豆事明年候薰
風短首江南溼願偕魯諸生敬攬叔孫袂

隴西太夫人壽八十

恒山鎮翔野積翠凌太虛中有仙子宅霞光抱瓊居怡
怡伯陽姥八十顏猶朱神交殷玉女秘字傳金書逍遙
人間世靜壽仙者徒令子返烏哺專城綰菟符金章映
彩服錦障承雕輿前有命婦掖後有元孫扶春風蒞慈

帷曉日暉慶圖海苑摘霞實靈芝披雲腰南山為尔壽
北斗為尔斟人生天壤內菽水歡有餘矧茲壽且貴身
與五福俱厚德獲隆報彼蒼然相享詩人頌燕喜此樂
不可渝

寄題天與清香臺

芳園蠹曾臺宛在江之曲何年植瓊樹粲粲紛在目美
人夫容裳迢遙處空谷時登月中觀玩此枝上玉幽芳
忽吹來妙契心自足維皇豈虛畀真意蓋有屬夜闌耿
無牀霜霰天地肅寥寥翠禽語慈矚曉光旭

簡秦章甫
章甫中飛文之禍得釋詩以道之

楚楚洛陽生清介常寡與宦遊江之南移家寄吳渚辛
勤春旨甘言動無過舉陽春萬物新霈澤均施普乘風
方高翔推翅墮網罟飛文中善類橫逸夫孰禦白日照
丹心皦皦中自許有能辨治長終然脫石父操存諒深
固夷險成善處涉難知彌明履變德益聚靜探元化心
憂患真玉女

慰陸子順喪偶

歲晏登禹陵山水清遊縱迴艤艤西湖墟麓諧伯仲旅
牕燈燭青炊白感幽夢絕弦聞遺聲據藜登哀慟重憐
遊子情懼乏尊章奉淒風動虛幌斜月照飛棟芳膠解

鈿朵流塵昏翠鳳，荀香悵未歇。潘詩應屢諷，孤獸駭哀
鳴。離禽感幽哢，蒙莊亦何人。教倪自驚衆，遺情信良難。
至理堪折衷。

題梅圖

玉妃還絳闕，委佩煙江濱。理華振英采，照耀山水春。海
若不敢受，謂是天上珍。掌管倩姮氏，封護煩滕神。風標
二公子，素服靚且新。邂逅蓬萊使，翩然與相親。畫師何
從見，泚筆開清真。數幅懸高堂，一洗凡格塵。我欲商妙
語，喚起逋仙人。

曹叔時見過索餞篇

泄雲蒙朝日，微雨霑庭除。幽人掩闕卧，門外無來車。曹
子別經歲，枉道過我廬。謂余抱文藝，胡為守鄉閭。余曰
非高尚，褊性涉世疎。上奉白髮親，餘暇讀我書。豈如叔
時甫，妙年美名譽。詞華爛締繡，問學滋新畬。奉子一卮
酒，聊為譚斯須。威鳳翔高閣，逸驥騰雲衢。及時路遠業
臨事毋踟躕。

壽元俞治中

凱風蕩清淑，秦溪鍾妙英。世德裕後遠，盛年振清聲。余
昔客君家，君甫十二齡。期君世濟美，事業如甘卿。微言
副深望，榮涂踐脩程。東吳大藩地，政繁任匪輕。剝裁得

終賈游刃新發矧勉奉兢：戒毋着赫：稱臨下必以
莊事上必以誠勤勞慎細事惡愛甦疲氓制動由靜臺
養心貴平嘗聞公輔量允矣王休徵汪公祥為別駕世
題梁中砥詩畫圖聲中砥有送存書記詩云一聲兩
陽在山新月上道人相伴一僧邱趙公子昂畫
而為圖中砥索詩漫詩一首
山昏歸雲歛葉落久飈驟疎松漏微月清光照巖竇煙
中二仙師一笑欣邂逅行行撲空翠杖屨相先後清景
適與期得句若天授畫成詩逾絕開卷消鄙陋如飲中
冷酒泉可嚙不可嗽我懷陶貞白日夕夢三秀何年卓
茆庵餌术衍遐壽

丁酉元日

夜中不成寐臥覺風剌剌殘寒賈餘勇飛雪猶厲慘黎
明卷新霽旭日光睽睽窮陰得陽和春氣已先感貞暄
南軒下余生亦云忝高門誰能走蓬戶鎮常掩馳車聽
奔湊慶語絕媚誦自甘守疎慵豈復歎坎凜濡毫寄柔
翰隱几坐文毯壺傾酒不竭爐擁火始燄吐詠探清新
研書味真澹流光信難駐華髮那可染拊已欣有得感
時能無憾貞吉宜嘉遊心亨由習坎浮榮易盈竭神鑿
常淵湛龜勉奉吾親力學身自賤

送沈彥楚

清才不數見世固未易識如玉在荆山落落混于石沈
君義興彥恨我未良覲陸子不妄交稱許斯為得况有
闕里孫延之致經席比聆道吳閭捧檄建德國高歌頌
唐虞諸子有矜式嚴灘浩烟霞山水澄解碧暇日一登
臨清賞懋懋寂

別衛山齋

何處桃花源超然欲高舉永懷塵外游遊契煙中侶時
從清夜闌默探元化祖尋幽得佳勝將期結茅宇任公
五十樁竭來向江渚投竿魚不食歸興浩莫禦遙岑下
落日薄雲閣清雨揚舫吳松濱蹇裳采芳杜長歌去英

淑未卜重晤語相期會有時散髮卧雲嶼

送許希元尉德清

士生天壤內所祀者奇氣當觀人品高豈尚名爵貴子
貞第一流淪迹南昌尉至今疑仙去風節照百世希元
人中豪未識我深愧常聞蓄愛馬童子刺而斃略不動
聲色度量有餘地豈易議淺深是固余所畏陸子少許
可欣然紀其事迹聆尉山色芒刃聊小試茗水清且迅
茗民號難治願言化以德勿但施法制令聞起在今微
言毋我棄

題鄭柏窓所藏蓮社圖

白蓮生清池至潔塵不朽當時取名社亦以清淨故樂
國初無有莽莽果何處陶公寄醉鄉蓋深得其趣公何
挽不入謝何推不去遠師信高識心雜固不取盜循彼
何人一見乃深許士固未易知教名期歲暮遺風驚千
祀流落見湘素永懷名山遊樂與善人遇匡廬青拂天
江水日東驚我將解世纏已辦登山具載酒酌淵明問
津桃源路

內人臂白鸚鵡圖

華清宮中歌既醉南海奇禽遠爭致環最愛雪衣娘
當時曾得龍顏媚璿房雕檻春日長繡綉嬌兒在傍戲

君王憐汝解語言懷恩不說宮中秘臨風驚鳥何軒軒
嘆息純良遭猛厲蒼翁寫出當時事側立紅衫內人臂
江花滿地不忍看空拂畫圖憐俊慧

壽金仁叟

嬌黃著柳回春風玉霽恊瑞蜚璇穹金猊爐暖香霧濛
銅槃密炬光如虹尊前笑挹南極翁海桃壓袖朝霞紅
蒼蒼五桂雲籠從南山翠色摩青空仁者靜壽如山崇
世間凡語難形容

書駿馬圖

玉良伯樂骨已朽曹霸丹青亦希有開圖歛見神俊姿

對酒高歌雄劍吼，祇今騏驥困藍車。落日長鳴漫昂首，
啾啾俗眼迷天機。相士嫌貧馬嫌瘦。

贈道眼相士

岳生年少精悍姿，雙眸照人炯秋水。氣直雲天亦自奇，
口談風鑿政可喜。一鶚盤空勢輕矯，夕風吹波雲欲起。
海岸相逢話不休，一笑人間五百祀。方瞳祇合相山中，
燕頤自堪候萬里。人生出處難豫期，浮雲變化無窮已。
巫咸一去不可追，歸來心服壺止子。

近體五言律

南遊

驅車登遠道，白日忽西流。宇宙驚新夢，山河感舊遊。
雲迷江令宅，月澹庾公樓。已已知何奈，長歌去國愁。

晚望

莽、荒城下悠、古道傍。秋風吹草木，落日下牛羊。感
慨悲新事，登臨嘆異方。長吟意無極，回首一霑裳。

春日即事

忽忽春將晚，幽窻趣亦佳。山蜂時入座，野鼠畫緣階。俗
事何能已，浮生信有涯。莊書讀一尺，聊復散幽懷。

次韻贈錢德鈞

嗜書仍好古，學豐一生心。搜抉無遺隱，幽憂不廢吟。雲
鴻渺何許，烟海浩難尋。悵望高深意，秋空起暮陰。

寄友

山中太玉子，此日復何如。自恨數年別，無因一寄書。江
湖驚老大，日月暗銷除。會晤無期在，憑詩問起居。

寄友

海內皆兄弟，情深莫若君。那知經亂後，翻作久離群。皎
皎雲中月，悠悠巖上雲。相思不可見，清夢遶江濱。

懷錢德鈞

城南寘徒侶，錢子數來過。翰墨相娛玩，文章互切磋。交
遊常不厭，間澗竟如何。風雨懷君夜，空齋秋思多。

登陽山妙淨院

野寺雖牢落，山僧亦自如。幽棲鄰虎穴，靈跡近龍居。地
勝軒楹古，天寒草木疎。憑高望城郭，把酒一歎歎。

賦月中桂

天上何年種，婆娑碧樹幽。根蟠蟾窟古，花落鷲峯秋。祇
恐氷輪礙，時煩玉斧修。素娥久延佇，攀折使人愁。

江上

放跡清江上，悲歌惜歲窮。孰能回白日，我欲問蒼穹。天

地遺民老山河霸業空清愁無消處卷入酒盃中

次韻沈冲叟見訪之什

卧疾蕭齋冷門深一苔空庭小雨過瘦馬故人來把
酒悲新事論詩畏逸材未能親往謝病眼怕風埃

次韻沈冲叟閒居即事

晨起盥櫛罷焚香默坐餘朝陽上窓戶寒雀下庭除
隱几商清勻開械閱素書吁嗟望塵客從解賦閒居

會霜晴詩

旭日照蕭晨淒清不受塵冷光明似雪冬暖勝如春
紅葉輝相照黃花色愈新南牕差可愛爆背豁天真

其二

朝暾上高樹霧卷海天遥勁氣乘寒凝巖威見日銷鐘
清出遠寺馬滑恐危橋稍逼南枝暖疎花破寂寥

次韻陸承之寒夜有懷二首

客心驚歲暮不奈送愁頻茅屋夜來雪梅花江上春
驅車斷行旅閉戶有高人奚待扁舟興風期暗與親
壯志寥寥在流年冉冉催寒鐙和夢照暗雨挾愁來
白雪詞難和青山首重回夜闌渾不寐慨想陸機才

挽王伯英

之子尤謙益親曾奉酒卮懷才嗟未用抱疾竟難治
歲

暮風霜慘天寒草木萎壯年今已矣慷慨有餘悲

送張德美北上

廓落江海客素懷經濟才年高勞治邑道直恨無媒白
髮絲千縷清風水一盃功名須老大行矣莫遲回

晚步 分韻得吟字

偶諧二三子曳履古城陰遠慕求羊迹永懷江海心殘
陽隱深巷積雨歇高林自笑黃芩曲船追白雪吟

送馮茂叔分教豐城

晉朝雷煥地君去是清遊神物今何處滄江空自流客
程二千里吾道一扁舟徐孺祠前過汀蘋為薦羞

贈孝廉

海內知名士乘時分樹勲辭華咸彙進卽行乃今聞清
月升林表白華開水濱緬懷純茂德遙睇楚山雲

送耕存大叅使日本

東隅久不庭抗疏出忠城不憚殊方使期休四海兵長
虹貫日白巨鷁壓波清笑下扶桑國歸來致泰平

陸賈初馳詔終軍已請纓上方顓委任南國誦威名挂
席鵬風順鼓舷蟬月明陽候應拱護不遣海濤驚

挽褚雪巖高士

矯矯環中叟號環清江八十餘平生山水趣盡力老莊

書舊注黃鵠人間世白雲天上居蕉花吹又落回首一

歛所居種芭蕉又號蕉池雙

天太古偕遊靈巖余以事中止先還

峭峭孤峯起蒼寒倚太虛尚嫌凡子到那被美人行霸

業消磨盡浮屠窳兀居憑高怕悽愴興盡即迴艫

題潘曜齋容安書院

屋上即青山柴扉鎮日閑烟霞三逗足天地一身間歸

去詞堪和閒居賦可刪簞瓢差自樂高視眇塵寰

送范竹所赴吳江學職

多士乘時去耳涂志業優名家傳舊學文治佐新州六

月江湖冷三山風雨秋應懷霸越祖落日望扁舟

送趙仲明還山東

東吳隱散曹解印脫煩勞案上留丹訣樽中有白醪北

風淮水疾落日太行高遙睇雲飛處歸心正鬱陶

次韻高龍洲入道

軒車絕華念野服遂幽情白露臨溪迥元蟬飲露清時

龍洲棄家師季偉蔣藥友通明且結烟中客誰論世上

名

牽橋巖中道院與梁中砥商巖翁會飲

夙有巖中約今晨得得來幽窓六人坐清思一時開雪

下宜看竹天寒未見梅人生良會少共惜共持杯

送王從政赴番禺慈湖講席

楊子清而粹遙遙江漢靈無人絕絕學有容抱遺經霜
冷鴻飛磧秋晴馬在垆東逢山似象回首靜儀刑

從政和韻來謝復就答之

并州沈厚士氣質得天靈吳下留三祀軍中講六經微
雲點霄漢清月出林垆載鼓汾亭曲令人識典刑
墻東甘靜處詩思妙通靈堂有慈親奉門無穴客經佳
兒誦書史深巷類郊垆應解莊周學全生不近刑

贈張受並檢校

山水經行遍蕭閑吏隱情劍寒光不泯鶴老骨逾清傾
蓋逢知己論詩盍讓卿從來說張祜不是浪傳名
德刑相濟用自古意尤深肅殺冬神令慈祥使者心月
明清驛路風色定寒林善政民應化無忘魯叟歲時受
刑諸
盜並
盜

悼亡

短日一何急殘宵不肯明霜寒那有夢月落重傷情壁
凍琴絲斷風驚燭淚盈微言憶王衍達理悟莊生

次韻贈友

柴門饒野興不逐世浮沈父子詩書樂山林木石心玩

雲聯晚句卧雲擁寒衾又欲移家去幽栖恐未深

深居

閉關屏人事褊性樂深居琴罷更無事晝長宜讀書粉
牆苔色古檉棠竹行疎漸喜相知少門無穴客車

題沈華溪詩集

暑夕坐無寐把君詩獨謔才堪敵水柱韻不減江蛟瘴
海三年隔風沙萬里遙相逢欣有得傾篋盡瓊瑤

挽沈氏母夫人

允矣夫人德傳家慶有餘生存黃鵠搢死塋白龍居落
月沉滄海浮雲散太虛曾為陶侃客酌酒重欷歔

近體七言律

曉望吳城有感

嗚嗚寒角動城頭吹起千年故國愁才見專諸操匕首
旋聞西子載扁舟霜寒古寺鍾聲早月落南園樹影秋
一笑浮華易盈歇白雲長在水長流

送劉梅溪遊句曲

華髮蕭蕭兩鬢秋醉眠花竹舊風流天心橋畔行將老
劉居吳地肺山中隱去休半領白雲容可玩一庵明月
尚空留劉有故西風趣赴方臺約巖下送看二老遊

有平平山亦各方臺劉故人
呂江塔辨四平翁

次韻叔時述懷

文學淵源百行餘，浮誇深陋漢相如。性靈偏愛居山水，才大難堪奉簡書。毛義仕來身暫屈，揚雄老矣計全疎。強顏微祿營甘旨，已約烟霞共結廬。

次韻子封承之遊桃花塢二首

二仲相從共此遨，濛濛花氣襲征袍。幾家綠暗藏深塢，一徑紅芳落野桃。春色暗隨流水去，客懷空逐暮雲高。臨溪忽動秦源興，應嘆浮生何太勞。

閣門行樂送韶華，閑訪城陰野老家。黃蝶得晴飛菜葉，翠禽隔浦啄桃花。衡門倒屣臨官路，古渡橫舟閣淺沙。

亦人詩人時一到，醉吟行盡夕陽斜。

賀胡西軒入道

世外烟霞淨綺紈，天風吹夢遠笙鸞。清名久上丹臺錄，散秩新除紫府官。九醞霞觴分帝所，千秋銀榜表仙壇。蔡經一見心相契，應許親傳蛻骨丹。胡禮蔡君為師

次韻王松陵

江上青山擁縣城，江頭結屋放歌行。散人昔有陸魯望，處士今無禰正平。萬頃雲濤聊自賞，百年肝膽定誰傾。何處適有扁舟興，趁得垂虹夜雪晴。

和韻翠巖雨中述懷韻

風流翰墨傳千古議論文章自一家
靜愛雲林披白苧懶趨閭闔草黃麻
江山故國閑停榭風雨僧牕自瀟茶
甚欲從翁俱隱去雲深何處問堯花

雪後遊石湖二首

衆峰戴雪玉崔嵬風定湖光鏡面開
山色可堪西子笑溪聲曾送粵兵來
天寒野水搖孤艇日落浮圖對古臺
回首風塵翳城闕愁來誰伴倒清罍
右汎湖
振屐重來事已非却憐清景不相違
晴湖盡屬盟鷗樂夜月還驚化鶴歸
萬里吳船空野水百年度宅尚斜暉
醉哦昔日三高些千載何人復見幾
右范公農圃臺

送鄧覺非赴金陵學職

城南不得遂相羊又著綸中出草堂
李白杯中停月影朱家船上貫虹光
西來江水知鄉近北望淮山引興長
應傍荆公祠下過向來松竹尚蒼蒼

送潘臞齋赴會稽講席

四十臞仙髮未斑談經海上看青山
曹江壑白滂難讀禹廟梅梁去自還
疊嶂曉晴詩筆銳平湖風定酒舡閑
曾聞百粵多奇士暇日清遊盍叩關

湯梅山為道士歸吳還山賦一詩以餞

三年獨向孤山住應為梅花滯水濱
滄海鶴歸空有語

荒城草長又逢春
芝田火煖丹砂熟
松嶠花香白釀新
安得與君俱隱去
烟蘿深處著閑身

舟行邂逅周西園出示迴文詩就次韻

遊遨適興隨幽境
笑語相逢忽竝船
流急澗花飛帶雨
岸回迷草暗浮烟
樓高近水涵飛鳥
樹密藏雲咽恨鶉
愁破已空尊酒綠
醉吟同眺晚晴天

贈吳江學掾

萬丈垂虹阿那邊
君來山水愈清妍
洞庭雲氣浮樽俎
震澤濤聲答誦弦
汀柳垂遮靈運笠
江花飛落廣文氈
此行適有稽山興
謗繫春風載酒船

宿真元觀

汎汎春風湖上舟
幽尋不覺到瀛洲
碧苑花落門前地
翠柳陰垂水際樓
半夜鶴鳴松院靜
一天星照石池幽
瑤林疑有神仙隱
願得相從物外遊

贈陸稼村

風雨鷄鳴江上村
祇今遺叟幾人存
煎茶陸羽忘塵世
學稼樊遲老聖門
百尺蒼松心不朽
千年古井水無渾
丹崖翠壁何從見
一笑相逢醉竹根

澄虛觀玉皇閣次韻

巋然高閣鎮吳州
妙手應煩玉斧修
萬疊紅雲凝寶座

一輪白日抱瓊樓濛濛瀨氣疑浮蜃炯炯神光遠射牛
終待留侯辭富貴還來相伴赤松遊

又代賦

狼藉風煙知幾秋中天傑閣煥然修移來世外神仙宅
幻出雲中天帝樓眺遠但知觀萬象養生應悟解全牛
帝觴他日分餘瀝咫尺鈞天得夢遊

贈周山人

牀頭曾不置黃金野褐綸巾善陸沉七十康強疑有道
一毫榮辱不驚心草根露冷露芒屨柏子烟清暖布衾
時感青囊看山水浩歌行入白雲深

又贈

郭范寥寥數百年地仙還復出人間豁開天外一雙目
看盡江南千萬山玉指暗攢烏兔定金盤活捉虎龍環
我今欲卜神仙宅霧豹何妨露一斑

餞楊世章

阿章年少茂才猷柏府當年與贊籌高卧久無求仕想
閒聊作讀書謀 風烟坐度吳江晚山水窮探禹穴幽
政喜相逢又相別飛花不分洒離愁

送信甫之江東

儻屋吳城不厭貧江東初奉薦書新壯年才略須名世

異國光陰肯滯人官舍草生三月晚遺宮花落六朝春
到時公事期程暇應有新詩寄我頻

挽湯桂橋

三楚名家有異孫昔年射策對君門青衫佐幕教名重
白首談經道義尊天壤忽驚遺老盡衣冠今復幾人存
小山桂樹傷愁絕賴有清香為返魄

又代挽

壯歲名登進士科青雲直上趨鳴珂子真遊舉神仙隱
歸隱元晏閑居製作多空掩高齋藏滂彙竟無良藥起
沉疴諸郎毀瘠銜哀切為報門人廢蓼莪

送悅心北上

便乘天驥上通達笑拂吳鉤氣益奇徐庶交遊盡名士
王維才藝重當時西風星斗寒芒動落日川原秋興悲
莫向黃金臺上望霸圖消歇草離離

寄東舉叟

移家東去寄田廬始見高情與世疎愛酒定從蕉葉飲
卜鄰應近仲長居天寒掃雪催煎茗秋雨臨溪命罩魚
靜裡獨全山野樂人間榮利不關渠

近體 五言絕句

題秋塘圖二首

寒塘淨如鏡，雲冷水蒨秋。
溪鳥無情物，悠悠不解愁。
水落秋菰老，夕寒烟樹微。
絕憐雙白鷺，飛去似知幾。

題畫扇騎驢踏雪

雪沒驢腰白，行行詩興催。
不因太清絕，那肯犯寒來。

題錢舜舉寫生五首

石榴

萬里乘槎來錦衣，驚晝炫相逢。
秋風中忍發，一笑榮

青瓜

蒼然藍田姿幽懷瑩冰雪邂逅青門翁曾抹人間矚

水仙蘭

翩翩凌波仙靜挹君子德平生出處同相知不易得

菊花

百卉盡搖落獨傲青霜裡披榛見黃花淵明元不死

戲嬰圖

秘矣宮中戲人得那得窺開圖休一笑能不類兒嬉

送人遠官思親還鄉

堂有期願毋天涯事遠游人生歸養樂薄宦一萍浮

題王立章雲山卷

岌岌兩峯峙嵐光照寺門青山無今古白雲自朝昏

題扇山畫二首

老樹千年古精靈變化竒純陽有道士猶且被渠知
古木排山立幽窓傍水開直疑林處士獨棹小舟回

題秋塘小景

寒溪上下碧水鳥去來輕衰柳傷秋色應知畫不成

近體六言

題習齋先生扇上畫

石罅脩篁蕭爽水邊老樹槎牙氣味與翁相似歲寒長
對蒼華

題扇上畫

塞驢欲往何處落日空山莫鐘行到水邊幽寺白雲低
覆青松

近體七言絕句

小園即事

澹黃楊柳著烟輕
細草茸茸襯屐行
行到水邊心會處
夕陽一樹杏花明

南湖史君製暗香湯奇甚賦二絕求之

飛盡梅花重惜芳
仙房想像製新湯
猶疑清淺溪頭汲
石鼎煎來水亦香

霧閣雲牕深閉春
微聞玉杵擣清穀
元霜祇許雲英見
地上詩人渴夢生

時侍姬新至
故戲及之

和南湖史君煙景墨梅圖

時聞有惠
州新除

依約羅浮翠嶺前
美人玉立破蒼煙
畫圖未許分明見
一夜春風入夢先

夏日南軒

並水軒窓宜夏居
夜涼如水似秋初
科頭枕石卧明月
仰風迎風看太虛

出城道上有感

岸上征人水上舟
古今行役夢悠悠
恰如河畔青青草
死盡還生那得休

鄰圃求桂花并收墜英

萬里西風桂樹秋
蟾宮雲箔夜香浮
何當淨洗紅塵夢

乞取一枝遮醉眸

收拾殘英擣作湯
小山風味不能忘
敢煩即遣蒼頭去
掃取黃金一斛強

題唐圉人調馬圖

飛龍天厩隘雲稠
一匹駱馳掣電流
檻下髯奴真厮養
眼中元不識驂騑

賦桂山其人善琴書大字

小山桂樹碧雲西
三疊琴心月未眠
曲罷便乘蒼鳳去
廣寒瓊勝要新題

贈恒齋葛太醫

吳下謙謙抱朴孫
妙應應遇長
素君素心皦皦恒如月
一寸靈苗手自耘

人間無地不峨嵋
刺眼醫門劔戟森
捺術不為流俗變
始知夫子有恒心

少小烟霞痼疾深
已將鐘鼎等山林
年來更有耽元癖
頰向膏肓為一鍼

濟南趙君成南使
羈留三紀得還其
猶子錄其遺事求詩為賦一絕

三十六迴秋月明
年年望斷鴈南征
蘇郎皓首還鄉去
媿殺當時李少卿

吳市售藥

山夫聊作市廛居
滂學壺公計已踈
收卷向來經濟策
按頭唯集古方書

題山水扇二首

青山綠樹蔽曾樓
應有高人隱一丘
客子門前過何急
古今行役未曾休

江上曾峰擁翠螺
人煙隱隱見巖阿
泊舟二子登平陸
遮莫風波奈爾何

樂府

水龍吟壽白蘭谷

此翁疑是香山老來愈覺才情富天孫借與金刀玉尺
裁雲縫霧一曲陽春樽前唯欠柳蠻櫻素對蒼松翠竹
江空歲晚伴明月傾芳醕深谷修蘭楚楚續離騷載
歌初度麻姑素約天寒相訪遺余瓊露擬借青鸞吹笙
碧落采芝元圃奈玉堂催召文園醉叟草凌雲賦

賀新郎

壽黃春谷時自南州過浙右相宅合巵有
期適逢壽日

鳳丹翔雲表覽德輝翩然飛下翠蓬仙鳥銀漢無聲天
似水昨夜新涼多少前秋聽一曲瓊簫音渺千尺秦臺

凌空峻見一雙翠羽先飛到披紫霧攬瑤草 風流別
乘當英妙對江山掀髯把酒浩歌長嘯綠髮公侯何足
浼自是無雙才調沉槐蔭青々天杪月殿姮娥雲深處
近清秋丹桂催開早斟綠酒戴花帽

沁園春 次白蘭谷韵

浪迹烟霞有酒千鍾有書五車任從來蕭散開心似水
何堪撫媚笑而如花濯髮滄浪放歌 海肯被紅塵半
點遮誰知道抱無名巨璞重價難賒 嘻嗟大澤龍蛇
且蟠屈深潛得計些看淋漓醉墨神情自足摩挲雄劍
肝膽無邪渭水烟蓑營止繡衮出處何嘗有異耶今何

在但素蟾東出紅日西斜

齊天樂 八月十八日壽婦翁辨菊圃

秋濤玉漲西陵渡江亭曉來雄觀帝子吹笙洛妃起舞
應喜蓬宮仙誕斗虛東畔望縹緲星槎從來河漢明月
樓臺繡筵重啟曼桃燕 莊樵一樹翠色五枝芳桂長
金蘂玉幹自笑狂踈樽前起壽不似衛郎溫潤一卮汎
滿羨彭澤風流醉中長岸老圃黃花清香宜歲晚

西江月 製香

龍沫流芳旒々犀沈銛屑霏々微心玉露練香泥壓盡
人間花氣 銀葉初溫火緩金猊盡裊煙微此時清賞

只心知難向人前舉似

虞美人題玉環玩書圖

玉搔斜壓烏雲墮柱頰看書卧開元天子惜娉婷一笑
嫣然何事便傾城馬嵬風雨歸時路艷骨銷黃土多
情誰寫畫圖中江水江花千古恨無窮

洞仙歌

八月十七日壽畊參夫人時命羽士設醮

銀波湛碧遙汎仙槎宿熒煌端雲曉慶芳傳丹桂
欲動連枝稱壽處一簇蓬萊翠窈步虛聲婉轉清徹
瑤壇疑是鈞霄鳳音渺正金爐禮虛皇天堦淨涼入綃
衣風裏想金書秘字賜長生進九醞霞卮練顏長好

銘

梅山銘

子華甫隱于藥而寄興于梅嘗以梅山自號請銘
二于余廼為之銘曰

天地變化其機不停元陰既極萬物用貞由剝而復微
陽始升蒼山沍寒幽花獨馨玉質朗耀鐵枝崢嶸皓雪
讓潔素月並清得氣之先期仁之萌自華而實斯仁之
成吾宗子華攬化元英觀梅于山而得養生寓仁于術
慈視孩嬰充之自茲以達八絃

贊

俞時中小像贊 服蒙古服手執周易一卷

渥丹其顏如戟其鬚服今之服執古之書吾聞古今殊
涂有如舟車知者自達愚者拘：唯易之道變化不居
孰為俞子而作是圖蓋將示我隨時之義君子之中乎

老子贊

起物先妙自然見之者猶龍焉貫三極垂二篇時復識
元之元

寧極齋藁附

心遠堂為清夫賦

淵明去千載吾猶識其心眇眇清風在遙遙白雲深張
子抱竒尚構堂太湖陰發揮陶公蘊高視古猶今茫茫
方才地肯受塵垢侵翛然坐遙夜片月生高林朗咏止
酒詩咲拂無絃琴世味如嚼蠟勇進忘華簪涼風起聚
薄愁氣感我襟短髮已種種衰年復駸駸及此樹明德
願言式如金

為朱自齋賦

三衢仁政妙如神曾活飢民百萬歸歸去淮南山色好

定知草木借陽春
楊州二十四橋月此夜常如千古新
個裡風光今攬取
得閑輸與自閑人
長羨寬宏好德人
慶門雍穆自閭閻
只將孝友施于政
拍塞乾坤總是春

代上張文卿秋官

曾種河陽花滿縣
又移佳政惠吳民
公孫華胄遠流澤
東魯名家信有人
斷事以經唯守道
緣情用法果如神
甘棠聽訟期無訟
佇見園扉碧草生

即次次鶴舟韻正之道人

十年學僊祈不死
先生有道直如矢
榮華看破等虛空
只似晴空霞絮綺
小樓清話醉陶陶
隔屋艷歌驚靡靡
安知廣陵老仙人
面如紅玉心如水
相期直上玉霄峰
欲別共飲吳門市
枇杷正熟雨初晴
送君高步白雲裡
曲江橋畔賞金華
千仞峯頭采瑤蕊
明年約我來名山
息念從翁問元旨
庭槐清閤畫陰濃
喜對南薰第一風
欲得休徵仁且壽
他年九十作三公

送歐陽耐軒職教吉州

白首春秋學青衫
山水邦文星近南
斗化雨起西江烟
樹籠朝日秋濤撼
夜窻老懷隨處適
莫惜倒清缸

贈耕隱鄭相師

士何樂乎耕聊以隱其德君家有子真清名振京國後
來鹿門叟獨往豈易得滎陽世逢掖髯也更起特力耕
不逢年習隱未絕迹嶺芝安能如山薇聊可食寧為巖
君平肯作揚執戟寸田可治生耒耨去荆棘眼光射牛
背月冷秋漢碧長嘯來清風高視睨八極欲識天下士
何憚走破屐爲肩客新豐燕領侯絕域將相得若人海
內自安息生民盡吐氣君亦與有力我非岩廊姿自是
山林客滎念久已忘頑鄙如木石君顧乃誤許極口談
嘖嘖見吾衡氣机求之殆聲色是相不可聞非相不可

識放之大無外歛之微莫測或堪為神仙華峯分半席
願從麻衣子卒學先天易

題華清私語圖

夜宮夜半語鬼神亦莫知如何播歌咏萬古垂日星君
子慎言行所守在隱微欲人不知事豪髮不可為

送趙生

元雷峰如畫別來勞夢思江鄉為客久歲晚到家遲夜
暖梅花發冬深草亦衰紅塵染衣袂莫使白雲知

送夏景陽之東流

閉戶三日雨聊題贈別詩江流向東處君去定何時五

月風氣冷九華山色竒端能扣舷去不愧水騰兒

送馬唐卿北上善推教

窮達皆由教若行已信天老親年八十遊子路三千燕
雪沾襟冷吳雲望眼穿緬懷忠孝祖濯足傲當年

寄本齋

衡陽南去能無鴈漢水東來亦有魚珍重故人官已貴
三篇不換一行書

題水僊卷

翩翩凌波妹佇立江之汜明妝秋烟中水佩風裳委淡
然真素姿塵世那有此吾欲擬其倫梅仙差可媿

題逸馬圖

逸馬脫鞿豹野性適其人能解天弢何往不自得

雲西懷友畫山水竒之求題

幽懷渺何許悵望暮雲碧思之不容言畫之那可得故
人別去亦已久汗漫有期俱白首思之思之又思之何
如相逢一中酒

題老虎橫卷

老虎嘯空谷猛氣猶未銷耽耽自雄踞一任妖狐驕

相逢行送方叔高之九江

相逢吳門市知自漁陽來翔風號歲暮落日心悠哉

綠水曲

綠水西閭道送君江上行彭城應不住五老笑相迎

送周舉道解滿滎旋

矯矯中州士圓机妙刺裁清時期有用小試漫淹才日
下聲名起天池變化來還家絲衣樂第恐鶴書催

其二

夷門有佳士大器本璠瑜委吏那為辱長才儘有餘詩
書藏谷粟德業寄畱畬斑彩歸歟樂誰云志未攄

次綦母潜龍興寺詩韻

先朝黃葉寺老屋白雲扉燈續長明火僧猶壞色衣馱

經馬迹遠念佛鳥聲微唯有閑閑叟坐看紅日飛

餞四明吳典史

翩翩入東去何異乘仙槎左攬扶桑日右把蓬萊霞朶
願絕羸味老手拔鯨牙應須佐寬政花縣霽春華

挽陸子順

早逐田園樂人推靜退賢安知名下士竟作水中仙韋
氏珠生蚌米家虹貫船良朋驚頓失歲晚獨凄然

餞行之諸暨知州

晉水素重入東行况是山陰道士程浙水飲來鄉味近
鑑湖到子宦情輕賸栽棠樹隱還闕更給蓮花俸最清

第一流人冠當代化絃振起舊家聲

題草虫卷

仲寬持曾無疑草虫七物橫卷見示戲作演雅
一首題其尾

虻蝻趨々常折肱小蠅營々工為口蜻蛉點水何太輕
蜥蜴緣壁徒善走密蜂松已翻為人螳螂貪前仍顧後
唯有元蟬脫蛻來獨立餐風淨無垢

題曾雲峰草虫

雲峰筆底起畦疇描寫草虫得其性孰云磊人羞作箋
不見克見幾殞命

挽西江鄧

三為文學掾以鼻祖元侯故國逾千里寒山閱一丘家
藏嶂桐古墨漱楚花秋不見西江士空悲逝水流善寫
蘭家有古琴

其二

吳臺卜居久忘却在他鄉門柳蕭々古庭蘭擘々光好
竒儲秘笈傳業付諸郎荒草驚埋玉江楓昨夜霜

題時太初遺文卷

海虞孕英秀天不做以年文翰俱散落唯餘十四篇遺
珠特精瑩修蘭自精妍有子絕蕭似庶以求其傳

紫琳股端硯銘 二首

余遊金華得此瑤石鸚鵡其眼馬肝其色精瑩而澤如玉之質將昌斯文實天所錫雲蒸霞濡揮洒元墨慙此石田以祈後穫號紫琳股殊稱其德

其二

落落三四點如晨星之光扶頰霞而朝初陽毓茲龍淵之秀蔚為元圃之祥號紫琳股其稱允臧雲蒸湛揮洒六籍之芳銘而積藏以俟斯文之昌

吳江顧仁甫義塾

澤國漁歌裡喜聞弦誦教切磨當以漸教學諒俱成義

塾安儒業高門躡世卿詩書有真味被褐笑浮榮

次友仁泊舟虛正獨步

西正雨過落花村決々溪塘水漲渾樓閣日斜唯影立
輓轡泉滴尚聲喧無言蒼石空橫道做世青山不出門
獨徃忽驚春已去題詩猶記刻舟痕

和胡五山陪呂浩翁春宴時呂已捐館

華堂花氣勝春寒曾伴山公醉玉蘭倪仰古今猶旦暮
去來生死異悲歡春風天女散花室夜月仙人承露槃
遺迹宛然成昨夢空留鹿句與人看

送意無的遊東林

大師何方去去上五老峯遠公不可見青池出芙蓉
石閑來坐幽香定裏逢向來的的意白月冷青松

題馬

奚官挾騎立舉掌氣桓：語罷北風起蕭：馬色寒

題畫

風裏征帆驢上人前程路遠又斜曛不知有客紅塵表
閑看青山起白雲

和山中送友

何年身外又生身始是乾坤是在人翠蕤陽回非在子
碧桃花發自長春人間不遠山山路心上渾無一點塵

回首夫容峯在眼二王應許作山賓

題牡丹

京洛全盛日花開大若槃繁華驚夢覺雨雨五更寒

題蕉石山人馬

牽來一匹五花馬山立芭蕉大石傍開卷明窗見神駿
追風萬里想乘黃

